

涇川詩話

涇川詩話 卷上

環石趙知希著

姪孫 紹祖 同校
繩祖

吾涇有明前輩究心理學多不專以詩名自王巖潭

廷幹與吳中皇甫兄弟唱和頗有所興起萬歷間里人

張東山

應泰

取唐許文化以下至於同時諸君子詩纂

爲里音而本朝侯晉水

世權

來蒞吾涇取里音而廣之

續之爲賞音於是千有餘年之詩脩於此冊徐崑山

開禧爲之序書成晉水作詩以紀其盛詞云爲吏每苦

拙日懷山水盟撫茲卷帙存披尋適所性雞壇恣筆
戰白也稱敵勁古人猶未遠同堂可考証好音集泮
林志欲化其獍五斗絆此身汗焉愧陶令猷州人物
好大雅如可并精者擷其奧糴者亦與逆心理足默
運誰謂年代更東山稱物望簡編留氏姓奎文集川
西樂羣應有慶憑仰毛葩傳卜言寔勦盛

萬道瑞西源詩草

翟佑著

序云四十年前涇上專詩者

僅數家老幹如趙君叔厚

崇禮

穠麗如王君雲從

雲全

聲以風騷自命後得翟君伯誨

尚忠

孤潔之性宏放之

才又後得查君子美懿秀色逸情從選得力又胡君

伯承世及遺余新吟而知髦年老宿手擊宗風信一邑

之冠冕今十年之內五君子者後先物故猶幸隣友

有椒衍翟文仲則翟尚家庭有伯兄平山萬應隆從叔

右文萬斌相與倡予和爾訂舊哦新差不寂寞耳道瑞

名麟所著有松虬詩草自明季及國初以來吾涇詩

人頗萃於此序所云矣

余曾祖維生公當明季時與同邑萬道吉宣城沈眉

生壽民及家雪度初流等倡爲南社後合於吳爲應社又

謂之復社以制藝爲同社所推而詩古文尤不懈而
及於古今所傳有歆閣詩草晉水侯公序曰涇之趙
大宗也其先有朴菴旋夫湛泉行吾中宇以德諸公
而董五城左東井王巖潭張東山諸前輩又其地所
產也一代人文之鄉流風餘韻猶有存者涇雖僻邑
殊多名蹟如水西幕山之竒琢流琴溪之勝維生携
同人而廣和之奚囊所積遂以盈帙大都命景抽靈
匠心軌詰抒竒碩羣落之抱而調以淵懿渾灝之氣
翩翩超先達而上之蓋深有得於性情之正者觀晉

水之論足以知所詣矣

萬道吉與先維生公交最薦嘗爲作詩文合序云予
交天下士甚侈所謂固之以盟誓重之以婚姻者宣
城沈眉生同邑趙維生而已矣維生公別墅在城東
地名甄塘而萬所居眉生榜其門曰世夫子里萬巨
吉之祖李白嘗稱天都邵漆夫晃投以詩云我家天
之爲萬夫子故云都峰僻居罔與比小築瀾香亭雅聞足音喜一旦良
朋會同志俱鵲起始因扶風豪獲覩連城美今來涇
城東雪山追屐齒徙倚甄塘間脈脈一水裏同訪王

屏園遙瞻夫子里如何素心人天涯隔尺咫

南社初起萬道吉嘗爲主盟甲乙以後道吉居山尚
數十年有先後遙祭夏彝仲陳卧子吳日生黃蘊生
侯幾道諸詩其七十初度一律傷知交之零落感時
事之盛衰蓋老而見道自悔自喜真不朽之名言也
詩云憶昔清高妄自尊公卿折節徇虛論晚知此道
能亡國何敢今時尚署門齊轂自然辭暮市魯戈曷
久駐朝暉平心檢點盈虧事莫說當年八愷元

道吉以古文崛起爲同社所宗而其弟道瑞麟詩特

蘊藉過於其兄貴池劉伯宗

城

嘗曰道端高邈冲融

比諸乃兄亦猶惠連之與靈運邵滂夫亦云當時四

海一子由可以舉語然道端豪邁自喜意蓋不僅欲

以詩文名觀其擬古數章可以知其志矣一章云客

有萬里行相逢下車揖笑譚無俗姿奄然長大息拊

髀爲予言挾策詣燕北上多媚嫉臣下多縱橫賊時

眉生

被徵二章云每悲夙昔人慷慨持所願攬轡矢澄清

枕戈以待旦誰當長伏櫪所志委秋蔓功名曷足道

獨此民塗炭其四章云白日蔽江雲憂來不可待駕

言清河淚我馬亦已痠秋水澹芙蓉美人阻中匯仰
見黃鵠飛飛去尋江海其六章云乘鷺駟玉虬呼吸
三千丈濯纓弱水中倚劍若木上何以調渴飢瓊樹
有濯沆攝氣得還元冲漠游至廣浦上徐道潔濯云
次第讀之可以言騷非虛論也

道瑞五言有小橋臨淺瀨流水伴孤村滃雲封半榻
移月怯孤峰七言有唱徹渙歌深極浦敲殘梵磬到
前洲濁酒掩關天下事素書支屋古人心並清遠有
致蓋老而閉門無復少時之豪氣矣

秀水高寓公宰涇有惠澤後其子佑鉅

字念祖

來涇桐

城方爾止

文

贈之以詩兼呈萬道吉云歲暮風雪寒

高生來自越假館青溪傍樓遲未旬月又欲沂大江
孤帆待明發言過牛渚西桃花潭始歇先公昔爲宰
恩澤沁人骨至今四賢祠俎豆猶馨醇君徃拜其下
仰首瞻崇碣父老皆來觀進酒供殽核新令苟賢者
感動念存歿分金潤行李諒不忍輕忽况君富才藻
逸氣凌溟渤雅游在山水匪直事干謁舊交有萬叟
岩居采薇蕨冒雪尋訪之松窓燔楮爲我寄相思

數年音問缺按寓公當祀於涇今入名宦但涇無所
謂四賢祠者恐屬傳聞之誤姑識於此以俟知者

張載述爲諸生時以布衣而慨然有憂天下之志嘗
累上當事書皆不果用其叔張一雛贈之以詩云陽
九遘茲遘時勢如鼎沸皇天降棖槍罹毒遍蒼赤殺
戮何慘悽枕藉江以北楚衛半陷吞豫章行告急警
報下江南旄倪竄山谷當事豫征輸間閭罄膏血吁
嗟南豐者苛政猛於賊罔念帝室憂日夜恣掊剋爪
牙橫鄉隅雞犬無寧息吾子懷龍體仗劍走京邑纒

纒數千言雷轟與電掣三上司馬門啟讀咸辟易九
闔萬里遙誰爲達君側空負洛陽才痛哭亦奚益浩
嘆吐虹光怒成奮鯨鬣老夫卧山中聞之髮髭立歷
覽古史傳英雄幾埋沒左車計若就淮陰胡由入徐
洪言若聽李密胡由滅成敗本之天緣會有時合囑
子且藏鋒囊雖自見末子今復遨遊令我肝腸裂鸞
鳳日以遠狐狸肆妖孽努力請纓去復管中行說集
蓼甘多難持滿終虞缺所以大任人在險表奇節書
此布區區臨書淚哽咽春風來好音慙我婆心切載

述後間闕入閩爲給事中以阻孫可望封被殺

楊於陵奪情視師宣城沈徵君

壽民

三上疏爭之不報

乃拂衣歸萬道吉爲之顏其所居曰世爭奪情沈家
蓋以沈之先殿換君典先生嘗爭張江陵奪情事也

鼎葦後徵君不復出山余族伯谿叔公

崇禮

贈以詩云

軒后山中日似年自堪高枕與耕田薜蘿猶是秦人

服苔蘚全封圯叟編林聽杜鵑時下拜海嗟精衛竟

難填五松小隱還嫌淺欲擬從君卧古烟

五松水西
禪院谿叔

公常寓

處也

谿叔公書法入二王室四方以絹素請者無虛日偶
臨池自嘲云垂白空操筆似椽誰將珠璣換雲烟饒
君縱得眉山價也要遲留五百年年年歲歲浪塗鴉
戶屢如雲鉄葉斜莫笑驚羊都寂寞有時瓜蔔儘盈
車

沈徵君入金華山十餘年溧陽相國陳名夏欲薦之
專使奉書徵君不啟封而還之先維生公有過沈氏
山莊詩云冥鴻不受慕宛在水雲間孤性嘗憐鶴清
光獨占山道由澗曲盡門爲燕泥閑晤夢此中足青

松未改顏謂此事也

萬道吉云維生嗜碁筆墨餘閒卽召其所昵手談竟日然先維生公口占云破蓑不耐寒敗葉聊相補閉戶敲殘枰茫然忘舊譜聊寓意於此耳非嗜也

谿叔公所居名文燕齋自負法書入於逸品而不肯以詩名一日施愚山司寇來訪喜而有賦得句云窮巷應門無釋子華裾織翠過昌黎施大咨賞以爲不減劍南又好寫蘭嘗亂作荆榛叢莽而數莖迥出見者謂有仙氣自題其上云道人偶寫棘中蘭嫩態無

嫌信筆刪曾讀龍門司馬史老莊何碍合申韓

胡伯承

世及

有題蕉道人

谿叔公別號

畫蘭詩云脫然生滅

外虛談自成陰秋風莫敢折立意一何深坐卧於其
下時見故人心詩意亦清遠可愛伯承爲休寧廣文
之官日谿叔公送之以詩云清詠徧留黃白嶽閒官
偏慙墨茶鄉林乾維在爲之擊節

林乾維閩人流寓於涇善畫山水蘭竹並楚楚有致
尤工畫石谿叔公題詩云林子青鞋四海終雲烟長
是伴孤鴻秋來忽動關山思五岳先移一室中瘦骨

曾餐浩劫烟一坵蘿薜卧蕭然點頭若問何年事却在生公未說先後林歸送之以詩有殘陽橫馬影孤笈冷秋聲之句林笑曰子常謂予畫中有詩若此則真詩中有畫矣

谿叔公善病常閉門自攝而不廢筆札一日胡伯承見過見其倚牀支几作如箕大字而吟詠成帙甚都有懷乃嘆曰如此病故足貴然不節則真氣未免有動因爲詩以箴曰孱躬日病肺對子病良已清譚娛我心新詩自爲體取益在曹溪神明日以起秋氣來

唐人使子亦伏几一月卧蕉齋夢寐達知已今茲候
顏色楚楚清骨峙不嫌擾君靜翻謂見我喜銳氣帥
精思如以齊伐莒嗟彼肉食者無病安足擬腸肥志
不潔逐逐如腥蟻何當草元人觸病養妙理顛氣接
混茫悟中出真斐竟讀攝我神煩囂頓還裏秘此可
樂饑湘蘭與沅芷我願子且聞息慮率曠兕自悔出
腐餘引子芬滿齒相期冥諸道元室虛可徙漸近返
自然臧知以益髓勅斷文字禪挹彼西江水浩然從
吾初一爲了生死良朋之愛情餘於言矣

侯晉水

世灌

賞音刻成詩以紀盛先維生公次其韻和

之云山水由華慧樂結幽人盟芳流泛餘波各自抒

靈性李杜倡雅先汪許稱後勛東山蒐百家聲響如

呼證微言忽中絕殘蠹橫如獍一筇誰相扶墨雨洒

循令秀骨帶霞氛絕代英華并博搜徧林淵珠壁有

兼迸方期古音嗣漸覺今徽更片字香青瑤卿雲生

氏姓岩壑佩奇光鶯花共誌慶撫函扣絲竹渺致通

唐盛時屬和者甚衆晉水惟首推是篇以爲非老手

不辦

查石門

懿

宰於鐔有治聲鐔州有庭栢一株海剛峰

手植先生賦之以志遺愛云何年翠栢老庭中手澤
猶能記海公自是鱗姿孤映日更無霜幹共摩空曉
鐘月上流清影古殿香來任好風千載長垂堂下蔭
愛留應不異巴東詩極沉雄可喜又南歸別友絕句
云倦遊喜發向南舟及到帆開却轉愁南望鄉山北
望友情同潮水去來流情致纏綿不愧唐音矣

翟伯誨

尚忠

與萬道瑞交最密甲乙以後足不踰戶閥

者十二年偶聞道瑞在桃花渡口乃一出見之感而

賦云平生痼疾是煙霞不問迷津十載賒偶爲杜陵
懷舊雨漫從剡曲踏晴沙江邊魚鳥怪吾在路上兒
童識面差已似秦人隔時世獨憐無恙古桃花意曲
語深覽者咸悲其志

水西山桃花自三寺邇迤至泉清坑四五里之間一
望如赤城霞起山之下有洲曰中洲環洲皆水居人
又競以桃花植之間以桑柳紅綠掩映致爲可觀鄭
樛齋過曾爲作記愚山自黃山歸遂過水西作桃
花洲詩云褰裳凌亂流理策遵修渚岩梅尚餘花溪

桃紅半吐飛霞散平疇錦浪生別浦雜卉旣婢媛危
亭亦森舉林壑見山寺鳥喧作人語昔來紛彥會事
徃餘榛莽流目覽衆妍登高當孤嶼撫物歡在茲仙
源復何許旣乃訪家谿叔公於文燕齋出黃遊草見
示復偕遊水西時桃花已落復賦詩云渡口漁人路
不迷重來綠樹一鶯啼風光好處傷心甚目送斜陽
下水西

梅瞿山

清

朗三先生之族子也偶來水西見先維生

公於欹閣追述舊誼爲作長松踞石圖而題詩其上

云最愛蒼然老松樹歲寒偏放拂雲梢芳菲肯逐青春侶只許梅花作素交今藏於家

先維生公與梅朗三交最久故梅瞿山

清

耦長

庚

皆

來修子姪之禮二公皆善畫松時先伯作舟公

諱

尚

幼追隨屐齒遂微得其妙片楮尺紙頗爲四方所珍

晚年倦於題識常命予作畫松詩數十首以待拂翰

青陽吳七雲

表

有贈句云蒼松浩浩挺千春攻玉齋

頭掛壁新今日扣關見顏色不知是松還是人

吳七雲

表

常書世德流光之額以贈先伯哲侯公

諱

而作記曰余昔受經於涇之桃潭數年獲交其邑之
賢者曰趙明經哲侯趙固涇望族也哲侯之尊翁鍾
越文學諱汝謹身立德爲鄉里所尊敬嘗以文廟之
崇聖祠圯廢不治毅然獨任修葺具脩哲侯復承先
緒更新之閎麗有加余聞哲侯家居孝友睦婣任卹
諸美行不勝紀紀其大者以其功在 聖門且善

繼先志也邑之人嚮慕世德上其事得附祀學宮嗚
呼鄉先生沒而祀於社父若子皆與焉榮矣哲侯子
三長曰預以人才薦宰於浙次曰青藜拔入太學壬

子舉京闈第三文品絕高主司任少宰香谷善知文
嘗語余曰京兆之役喜得此才季子曰希文嗜學爲
名諸生趙氏世積善錫美於後人其代興不可量而
表揚懿美固禮臣任焉矧託在素交者爰書世德流
光之額以懸其廷七雲微時嘗館於翟村與余老友
翟非熊交最薦故有主人多雅癖好客復好詩之句
又有遊彩虹岡詩云仰天呼太白游後今無詩有酒
不能醉江山空自奇語意尤嶽崎磊落也

閨秀鄭瑾娥鄭汝敏之女能詩嫁葉氏其病中贈夫

句云一行詩就幾回愁持贈蕭郎仔細收他日鴛鴦
雙舞處羅幃可憶舊時儔施愚山先生極稱之瑾娥
所著有女紅餘誌一編其女伴有以荷花貯膽瓶中
者瑾娥索之不允寄之以詩兼問其病有云疇昔瓶
中花妙出君之手儂心愛莫得燈下迴玩久細較人
與花花與人俱瘦偶爾動余思持此爲問候花顏似
舊無君恙全愈否語尤委婉動人

涇川詩話 卷中

環石趙知希著

姪孫

紹祖 繩祖

同校

鄭子漢林

相如

以不世之才文壇主盟者三十餘年著

作等身脫稿紙貴間嘗於邑古跡凡仕宦流寓忠臣

義士幽人烈婦取其可歌可詠者稽之史冊徵之碑

記編爲樂府詮註詳晰得若干篇非信勿傳有美與

刺潛德之留光旣彰里巷之感發尤切厥功偉矣余

旣屬而和之諸同人亦皆並有篇章煒煒煌煌登李

西崖之堂而濟楊廉夫之蔽信巨觀也今各取其佳
者著於此錄而余之什亦於是附焉亦庶幾借有韻
之文章備一邑之典故云

漢林勇里戰云赤帝祿將終羣雄起角力孫家獅兒
誰爭鋒來平江東討山賊丹陽僞守立屯府大爲山
越附山塢山城塢裡鳴金鼓一戰擒之如縛虎解卿
縛捉卿手不憶神亭時曾分勝與負卿得我未可量
我署卿賊曹上策馬大咲鯨中營勇里蕭蕭風雲壯

漢獻帝建安三年太史慈據
涇縣孫策擊擒之於勇里

桓嶺屯軍行云典午魁將吼山頭東南殺氣橫霜秋
誰表陳師糾義旅鷹鷂逐雀聲啾啾石碓轉戟軍不
勝退據廣德賊兵進灑涕來屯涇谿東憑險軍容震
復震大江以南無堅城有客好謀僞請成丈夫無寧
歸視死自誓肯與賊俱生嶺頭一灣崎嶇路傳道廷
尉殉身處年年谿上啞啞鳥只遶忠臣墓旁樹晉桓
彝爲

宣城內史蘇峻反彝起兵赴難遂屯涇縣峻
將韓晃攻涇裨將俞縱戰死城陷彝死之

石鼓山歌云東黃吳西白馬石鼓屹立兩山下山中
人居不聞聲無聲誰爲鼓拋者君不見陳倉石鼓車

攻詩周宣中興史籀辭西蜀震鼓四十里茂先博識
桐爲魚有畫有聲人工爲何似此山此石天生形如
聾馮唐豈愛水雲鄉老去買宅山之旁擊鼓召賓賓
皇皇山上無宮花滿樹後主不畏北兵渡擊鼓何爲
狎客赴傳說荒唐紀乘部我信不信問石鼓石鼓默
默天不雨青山綠水笑千古

山在邑東相傳馮唐居
此擊鼓集賓客一云陳

後主擊鼓召
賓客於此

安吳嬰城謠云賊臣仰射臺城訔南朝天子玉食空
風烟騰天天流虹青絲白馬兇氣燄何沟沟宣州不

服飛流矢安吳城帶涇川水內史嬰城抗其鋒賊帥
來攻城旗靡賊旗靡馬上郎邀黃塵起時移物換幾
千年渡口誰家村樹烟守城遺壘成荒田落星潭上
蒼狗眠劍氣猶壓藍山尖

梁大寶初宣城內史楊白華不附侯景進據安吳景

遣于子悅等帥
衆攻之不克

香心娘歌云唐季起草竊逆氛流宣歙岷岷江淮衝
女子一腔血寸鐵當前甘就飴骨燬身灰心不滅心
不滅十里芬馥香如雪同時長安僞妃嬪果頭敗後
俘金闕九重怒責衣冠子紅顏不伏詞喋喋滿廷臣

賊渾閑事君王莫問奴失節金魚朝官僵且啞私怪
彼婦何大點古今大義知者難誰能獨伸天地間置
身何等嗤人污鬚眉巾幘兩無顏君不見涇之水香
心娘清氣吹不散化作冰與霜梅氏五娘洪勝可妻
黃巢賊兵逼梅誓死
不斷引刀自刺死心香數日
不斷邑人祠祀號香心五娘

胡彬仲

承

台泉雲龍歌云台山高台泉清天地開闢

山有靈龍爲師雲爲弟誨學深柳文星聚文星聚處
三台光列宿熒熒照廟廊我來登山雲門開書星無
人長莓苔蹲踞怪石吼人來雲龍隱現越觀臺

明嘉靖間

許文穆國讀書台泉山一時從遊俱登巍科
爲列卿時稱九進士其誦讀處名雲龍書屋

崔堯仙

侄

猷州刺史歌云錦帆殿脚楊州樂瓊花觀

裏楊花落太原公子楊裘來羣雄次第塵氛廊猷州

刺史亦英雄早識天命欣所託妖氛一旦徧東南獨

拒危城當鎖鑰嗟爾小醜敢紛紛轉戰丹楊鷗逐雀

功成拂衣朝天去英名好配褒與鄂

隋大業末左難當據經六年降

唐授猷州刺史七年輔公祐反圍猷州難當嬰城自守會李大亮兵至合擊破之

翟泉初

涓

虞翻戍云文臺真英雄伯符稱人子可憐

吳王權亦是豚犬耳不爲臣魏羞却抱受諫耻而使

虞翻至於此

虞翻仕吳爲騎都尉數犯顏諫
諍吳王不悅坐徙丹陽涇縣

遺民把釣吟云五斗不折腰一竿可避人水西白雲

灘灘上劉遺民柴桑一官何足云掀天貴富如過塵

贏得釣臺高入雲

劉程之嘗爲柴桑令後棄
官釣魚於水西白雲灘上

桃潭送客行云願爲潭上雲片片逐客舟願爲潭中

水點點隨舟流汪倫不作萬巨死客不來兮我心憂

李白客涇縣有桃花潭水深
千尺不及汪倫送我情之句

廿一弟然乙琴高曲云涇川城北槩溪峰下有一洞

開玲瓏道是槩高脩煉處丹成御鯉培天風我來訪

古心忡忡茫茫墜緒埋虛空秦皇漢武誤今古至今
海上誇瀛蓬君不見琴溪之山茹可採琴溪之水鮮
可膾籛龍爭地上干霄秋月春花勝事在會凌絕頂
嘯雲天瑣瑣何須問藥滓

琴高居涇北二十里山岩
修練道成控鯉上昇其所

遺藥滓化小魚每歲
上巳土人爭取之

桓嶺屯軍行云東漢聲鐘鼓節義冠今古漸滅茲氣
盡當塗禪典午清談誤我士大夫執鄙吝者其誰乎
天心不隨天運剝內史桓公裨將俞江東妖氛侵山
城內史力掃屯吾涇命俞將軍山頭戍於今山錫桓

公名嗚呼一木支大厦降賊多識時務者男兒死耳
甘同心滿腔劍血冬青下將軍如水公如源春酒社
鼓來荒村賊已褫魄浩氣存連呼殺賊起陶溫

桃花潭送客行云桃花潭上花如焚潭外斜飛一片
雲片雲飛起不肯下悠悠誰是汪倫者踏歌古岸人
無語獨泛扁舟送花雨

水西講學譜云涇水之西講堂開一時學者轟如雷
入至出奴齊嘖嘖揚波鼓浪姚江來姚江之學金谿
是暗主禪宗排朱子朱子早年亦入禪特編定論淆

真似世上誰識一塊金改頭換面陽明祀吁嗟乎儒

釋之辨紛茫茫調停解慣中騎墻忍使異學鳴荒唐

忠同洪水流汪洋狂瀾手障百川東紫陽千載人尊

崇如何一席談經地苔痕草色生婁風

嘉靖間建陽明祠請良知

之學錢德洪王畿更迭往來學士荐紳雲集天啟初邑人追祀朱子改稱朱王二先生祠今存其名而已

台泉雲龍歌云台山石骨森岩曉下澄活水涵波濤

幽人結宇山之椒栽花種竹塵氛銷獨立雲門雲颺

颺羣龍飛起攬海潮便與陰雨生枯苗我曾看龍龍

飛高杳不可攀天沈寥籜龍冒雨抽新條解衣穿雲

風蕭蕭夢殘午睡僧歸寮出林清磬一聲遙

多方怨云四海分崩定於一淨捲殘星開旭日旭日
初開光矐矐不禁蜀犬無吠紅創業之主大度多漢
高不下魯弦歌我

朝開基周家厚旗分八陣詰羣寇

大兵直壓江東南百姓有過宥之三涇人亦念

王師怒敢幸新恩間舊故明高皇帝養士深獨無遺
澤留人心儒衣儒冠孔弟子爲君爲父計生死

新天子聞亦色喜謂此遺黎應爾爾尚其布告涇人

士與爾自新樂更始盍歸乎來靜無譁到今山水爛

雲霞四時佳興和風扇優游不識多方怨國朝順治二年涇人

迎舊令尹民與據城抗王師城破民與遁教諭

周泗訓導劉守中諸生趙初浣趙大中張載達趙崇雅等殉難死

余陽侯辭云伏羲一畫開天下陽侯精純如龍馬同

時六佐鬱廟謨陽侯錫命掌江湖陽侯死死於水靈

不汨水中起滔天之怒不可拒三江底定舜命禹後

來赤烏水過山相傳祇剩三友屋邑有三友坊云赤烏二年之水僅存

三至今大雨積潦時往往波濤滿山谷龍作臂蛟作

眸魚鱗鱗從君遊村中伐鼓戴神頭神不來兮我心

憂

伏義時有陵陽國路史陵陽山名在宣州涇縣封侯曰陽侯死于水爲水神所云陽侯之波是也論

語

摘輔象伏義六佐陽侯王江湖

楚王怨云離離山上苗倏忽移澗底昔蔭百尺條今
遶澗邊水男兒幸出帝王家天生茅土供豪奢尋常
不飾猶簠簋胡爲遠徙天之涯辭天闕兮道路賒涉
河洛兮歷淮沙悲逐臣兮哀啼鴉來至涇兮心如麻
君不見尺布縫斗粟舂泣煮豆思剪桐五百戶湯沐
窮山深誰識楚王宮蕭蕭白楊生悲風

漢明帝永平十三年楚王

英有罪廢徙涇縣賜湯沐邑五百戶
十四年英自殺詔以諸侯禮塋於涇

石鼓山歌云黃甕之西白馬東一盤石鼓懸當中團
團如鏡靜清空灣灣如月孕琳宮周王用以刊車攻
刀鋌不受廢芟礪何年白鵠羈樊籠茂先休伐蜀山
桐我訪野說旋不同譬諸小兒談鴻蒙或曰馮唐老
龍鍾閒時擊鼓招賓從或曰後主宴臣工後庭花裏
拷冬冬茫茫千載無間處慘淡茲山自今古我來徬
徬山之傍獨對空山擊石鼓

桃潭送客行云謫仙人在雲中走一兩句詩天邊有

誰向雲天推落來
狂倫十年藏美酒
請君來花爲君
開三百里涇川
尋源直到碧山崖
俠骨香酒一盃無
情桃片紛如雨
引君來又引君去
踏歌聲何時已
君行抱月還太虛
揮手一別千古矣

六印加剡行云觀文炳蔚開天曉
奎野五星光皎皎
山中半夜讀書人
挑斷寒燈春夢巧
龍泉影逼斗牛
寒六印纍纍加劍鐔
依稀記得神人意
幾回珍重索
公擔我聞文正薦十相
太宗御筆書屏上
只因鎖鑰
重劍門十人八入公
且放巍巍劍閣六度登節鉞
西

南君股肱蜀人少壯與公習詠歌沐浴思遺恩嗚呼
人生骨相由天造黃閣未登身已老驀然記得夢中
時六印加劍公笑倒宋工部侍郎凌策少夢人以六印加劍上遺之後治蜀凡六任
王旦病荐十人代惟策與李及未相然亦皆爲名臣

森翠樓云我所思兮琴溪山山中人兮揮朱絃蒼崖
剝落苔蘚斑樹籠溪兮竹罩圍長橋逶迤宣州路野
陰無人太守渡太守驅馳家國艱山中閉戶朝猶寤
指點森翠半沉吟森翠中間定有人此中有人號真
隱亭亭不染世間塵吁嗟乎士各有志不可強揮筆

題樓情快快成仁取義從此往山中人兮人不知樓

森森兮翠蕩蕩

淳祐間程炎子隱琴高臺文信國守宣州引車過炎子名其樓曰森翠

建康副使調云愛莫知其惡漸染由來久一旦太阿
授天下看一手巍巍乾綱政府收凜凜冰山堅且厚
御史側目飛霜毫擬將白簡褫其袍當時不聞天子
詔微解平章笑裏刀笑裏刀機莫測南臺且向南中
謫向陽不改心似葵觸奸終見面如鐵平章大笑封
刀來建康取得首級回忠臣血濺長江水夜夜波濤
鳴不已

元臺史洪文廣刻平章桑哥擅權怙寵調建康廉訪副使又三上書言朝廷得失桑哥矯

詔命賁
首京師

輟講彈云朱明烈烈烝書幌揮汗談經情鞅掌侍臣
簇擁聖躬勞暫請輟講亦非圖諤諤小臣執簡爭輟
講或恐經筵停直彈元老存姑息彈者不怒傍人驚
我聞董公凜風節坐鎮江西嘗鎖孽後來寧逆毒殺
公遂令章江浪染血此事江志言之詳國史家乘兩
磨滅願以詩歌補殘缺

明董傑進士觀政時上疏論
經筵暑月輟講事與冢宰王

恕異回解智湯肅被誣忌者陷以朋黨并
刻傑陷之幾不測仍賴王公申救獲免

嚼齒嘆云闖賊之禍縱默賊之禍橫縱者上傾天橫

者下賊民東南徧獻跡西蜀無完城積尸蛾眉巔流血錦水濱紫陽朱公誓守土登城嚼齒肯首鼠守死城子死父妻死夫奴死主闔門死節何其苦君何苦

勁節義聲邁千古

宋儀爲嘉定知州張獻忠陷蜀城破不屈闔門遇害

漢林旣倡爲涇樂府而同人又相與賡其題爲懷古

七絕互相屬和今摘其尤佳者於此然乙陳焦墓云

七日重生事已誣如何得位應孫吳漢家赤帝秦家

白誤盡名流是讖圖

晉書吳永安四年安吳陳焦死七日後生穿墓而出此烏程侯

皓承廢故之家得位之祥也

秋霜閣云冬月簾花夏月涼芝蘭臭味鮑魚香高人

不作時宜想落昏雲烟華有霜

李白詩五月思貂裘爲言秋霜落宋楊傑

句云謫仙詩爲傷時作

義門云層霄詔下事非誇不數田門一

樹花五世傳來幾昆弟婦言勿聽報官家

唐太和六年觀察使

沈傳師奏涇縣萬晏五代同居詔表其門

儒門殉節云東山砲落泮池焚

弟子先生死報恩漫道廣文官舍冷幾多熱血濺鬢

門乙酉之役涇教諭周泗訓導劉守中諸生趙大中趙初浣等數十人皆死之

馬頭磯云

泉飛石立落淨潺湲碎洗苔痕竹淚斑此地不投文弔

屈孝陵遙望紫金山

鼎革初徽金聲俘至馬頭門人江天乙勸之曰一泓清水可愛

聲大聲作色曰大丈夫死當令天下見之

兒子一誠

神仙石云一拳怪石碧蘿傍曾說神仙到

睡鄉日暮行人誰駐足勞勞車馬往來忙

神仙石在縣北十里

上有仙人坐卧跡

周蒼泉虬水西鐘云水西鐘打暗黃昏十八聲敲咽

復吞道是黃泉多黑路爲憑一擊照歸魂

水西鐘舊傳異人所

鑄俗有喪者僧僧擊之言亡者聞鐘路明也僧人撞鐘以十八爲節

鄭漢林黃沙嶺云一片黃沙萬仞巔蒼崖古木舊山

川隋唐往跡今何在落落荒村起暮烟高空瑟瑟斷

雲低鎖盡青巒碧水溪此日臨風懷往事樵夫指點

夕陽西當年用武古猷州破賊黃沙骨滿邱千載遊

人尋舊壘青山無語水東流

唐武德間輔公祏反舒州總管張鎮周擊公祏

將陳當世於黃沙鎮大破之

夫人尖云丹崖翠巘勢重重爲問夫

人占幾峰烈魄不隨陵谷變一輪明月照青松

峰以香心

夫人

宗婆塔云烟雨亭邊景物多鳥啼花落水橫拖

祇今古塔荒烟鎖無復宗婆帶雨過

舊志謂水西塔歲久若新蓋宗

婆風雨時常來洗之

吳子峻嶺赤烏水云赤烏二載水稽天鑿石誰人記

歲年我向湖山山頂望蒼蒼煙雨暮相連

湖山石壁舊傳有篆

刻赤鳥二年水至此七字

十弟景杜預花井云投花當日亦尋常花井名留萬

古香往事於今寧可問居人萬戶酌清涼

花井近城西相傳郭

璞投花其中故名

翟泉初涓釣隱亭云曾傳仙客垂綸處卜築何年占

一灣却怪嚴陵成底事猶留名姓在人間

亭在水東落馬

潭云矢亡弦絕事何成將軍落馬士吞聲潭光染得

忠臣血一洗腥風萬古清

桓彝落馬於此故名

余蘭石云不欺主將負朝廷配食桓公國有經蘭石

荒涼三尺塚阿誰覓得晉人銘

晉桓彝裨將俞縱守蘭石戢死其地

長

史宅云道傍德政歎如林峴首山前淚獨淋果使作

官遺愛在豈能爲盜便無心

唐長史李孝偁歿後家於涇廣德間盜起羣盜

戒不入其室

落星潭云踏歌聲裏復舟停欲向巔崖小結

亭豈是謫仙擔月去夜來留得一潭星

唐李白云涇溪藍山下有

落星潭可以卜築有寄何昌浩詩

雲中字云書河書洛幾人傳識得

無人亦枉然好借承流峰頂力畫成奇字上青天

明萬

歷二十七年涇縣雲中見踏疲贊對四字李贊樵書載此又邑中有山名承流峰形尖如筆因謂之文筆

峰

閱邊圖云九邊誰倚作長城萬國呼來拜上卿節

鉞如林看不見依稀壇上是書生

明蕭彥以戶科給事中奉命閱邊檄

外繪圖新城血云血染孤城事莫非

新朝猶與表幽微但將此志留天地正氣銷成金帶

圍明崇禎十三年涇城新葺有赤血塗城腰乙酉之役生員趙初浣等據城拒守都督張天祿攻破之

初浣等皆死今欽香烟結云城烏夜夜泣殘痕忍

定明史脩載其事

毒涇民爾獨存歸作孟蘭投五體香烟結裏認忠魂

初涇人謀拒守生員趙大中等奉檄令尹民興至兵城將破民興遁後奉佛追殲國殤于香烟中見死事

趙大中坐於上汗流浹背民興亦以浮屠終焉

廿二弟雲翔五郎廟云肅肅靈旗夜有光英風不讓

左難當如何青史羣雄傳遺却當年石五郎

隋末石五郎佐

汪華殺賊有功居民爲立廟勇溪口

魯家坪云義膽忠肝不可誣先生

意豈在孫吳戟冠偉貌如生日入夢猶稱漢大夫

昔有

人於此築地得古墳夜夢魯偉丈夫來曰漢大夫魯肅也因名魯家坪

紫桃洞云曾記當

年射虎來於今古洞砉然開仙源不遠難重到惆悵

雲封洞口隈

響山有獵者逐鹿因得一洞鄭漢林名以紫桃余以多病不能遊故云

甄

塘云盈盈一水隔城闌南國何緣賦感甄可有凌波

仙女到月明羅襪步無塵

甄塘在城小東門外相萬傳甄后生此似未足信

村渡云萬村渡口趁輕風千尺桃潭水自東但有汪

倫皆可住何須更問主人翁

萬翟常爭此渡萬曰吾家古渡翟舉李白詩曰

千尺乃萬寸非萬村也萬不勝末二句一云萬巨注倫皆可住何須爭作主人翁

丁王廟云

大仙姑又小仙姑洪尚書與馬尚書荒村社鼓神祠

在華表歸來鶴有無

廟在丁溪祀丁令威但涇何以祀令威何以稱王又俚俗

相傳令威有二女曰大仙姑小仙姑有二婿曰洪尚書馬尚書語多不經

竹枝小詩最難得音節入古風味移人使人咏其詩

如歷其地余有燕市竹枝南昌竹枝而於本邑闕如

亦未了事也然名流雅詠往往不乏姑撮其佳者於

此鄭漢林云琴溪橋畔季春初茅店人臨綠水居日
暮兒童忙擘笋呼娘和煮藥渣魚 西門溪水碧如

油湧石驅沙帶箭流落日平灘鷗鷺宿高桅鱗集買

糧舟

涇山水最急

年來灣汊買糧多剡子闕梢載幾何只

怕家鄉連日霽灘乾難上幕山河

涇舟小曰剡子稍大曰闊梢山河水

淺故舟祇宜小者

蕪湖鎖巷泊羅匡客上長街貨未裝聞道

家山溪漲發急尋水手打新挈

解大者曰羅匡趣水大可行遇灘不能獨

上必衆船協力名曰打挈

葉存叔居仁云糊邊削骨墨油濃織手爭穿五色絨

製得雲葩千百柄連檣裝賣趁江風

涇善製雨傘

周蒼泉云琴溪竹筍味偏宜正是藥渣魚上時小樣

圖書書往蹟兩函相送慰相思

土人多以筍及琴魚爲禮

桑葉含

芽尙未齊綿包蠶子細如糲憐渠春暝蠕蠕出惱殺

佳人五夜雞蠶眠已起替蠶忙小婦梳頭大婦桑最

是老姑侵早起喃喃催逼炊黃梁繰車初掉客南來

碧色銀絲雪樣堆猶勝湖州清水線

俗謂絲爲線

土宜水

色逞風裁

涇俗宜蠶絲而美

西門正向大河邊對面桃花弄

曉烟落日灘頭多款乃篙師爭上賣糧船

涇水多險灘不易上

麥畦蔬圃上坊洲竹樹桑麻浮復浮衣飯貧家千百

畝山居空數橘千頭

居民以種地爲利

鄭侶仲文熊云落星潭下水潨洄小艇紛紛走馬來

開遍護窠還灑網雪花撈起是金鮎

落星潭有魚名雪花金鮎土人

疊石以斷魚路曰護窠

鄭雲華

應鶴

云溪邊浣女暮秋天砧杵聲聲響晚烟瞥

見行人斜理鬢回頭低喚小姑前

三家村裏讀書

堂聽得書聲氣也揚田舍多收三斛麥不教兒輩斷

書香

又族人羽仲廷輝感坑詩云山裏人家底事忙紛紛

運石疊新墻沿溪紙碓無停息一片春聲撼夕陽

人多以爲生

胡菱九放舟亦灘詩云青篁彌望蔽山邱千

尺深沈瀉綠油小艇一蒿無處着自隨洄洑下中流
曲如鉤轉直如弦急箭危流送客船却下灘門望山
色遙遙眉黛倚長天周蒼泉桃潭送客詩云桃花潭
水碧如油蕩漾輕風箭似流千樹垂楊縈兩岸也難
絆住木蘭舟皆深得竹枝之意

涇水患爲害最大老河舊經水西山過今移嚙城脚

百數十年矣每遇湔潦民有其魚之恐康熙間當事者欲復其故道役民開河此誠一勞永逸之計水西僧元理作改河竹枝詞十首頗佳有云亂襍層層莫漫愁五丁曾易索金牛會須俯看雙丸浴三寺旋生波底樓碧灣將變酒家村艸屋重招白也魂昨夜夢中聞欵乃舳舻幾隻到山門柿樹灘頭爭灑網遺民臺上重垂綸準期滾滾桃花水沙尾沙頭日數巡蓋深喜之之詞然河竟不果成

康熙戊子五月大水入城七月復大水百姓困弊胡

凌九作詩傷之云歲運邁百六天意厭行仁遙雨奔
濁流溪壑蕩無垠潛蛟方竊發洪濤傾城闕壓市遊
魚蝦稻梁雜薿薿耕稼豈不勞萬寶空沉淪吁嗟逃
溺民脫命惟一身有如覆巢鳥踟躕栖荆榛千錢易
斗粟何由忍朝昏草根與木葉吞嚼徒酸辛強延旦
夕命終與死爲隣縱得來年熟不收今年貧我欲叫
閭闔坐迴天地春斧柯不在手此情孰爲陳誰者司
民牧談笑對吟呻慷慨激昂其諸少陵之詩史與
五十七年戊戌復大水居民湮沒水西紀村罹害尤

酷有馬氏者人屋蕩然無存翌日水退皆遇救得生
無一失者亦異事也釋元理有紀事詩云水西桃花
洲茅簷六十戶而無一以存人人皆上樹號呼官船
來懸絲命何護馬氏罹其殃人屋東流付三日各生
還一家駭相顧人耶是鬼耶團團大驚怖

元理號覺文喜與諸文士相接吟詠無虛日一日睡
起口占一絕云睡起松風理舊編此心未老雪盈巔
閑吟花月三千首虛費工夫四十年自是絕口不復
作詩

涇川詩話 卷下

環石趙知希著

姪孫

紹祖

同校

王荆公始爲集句夢溪筆談亟稱之余不揣鄙陋集
昌谷詩爲三十律割截補綴不足觀也而蒼泉周子
獨好而爲之序其詞則幾於奴僕命騷矣序曰自錦
囊句杳難工俶詭之章昌谷風遙誰識離奇之作掣
鯨魚於碧海浪擲波吞綴翡翠於蘭荇花迎柳笑天
吳紫鳳疊顛倒以成奇牛鬼蛇神鑱怪靈而取異鞭

箠樂府沈約無顏奴僕騷經靈均失步若夫長誦短句綽有鴻篇至於五音七言曾無近體欸牙佶曲固如談青子而回甜流麗溫柔何若舐崖霜而卽味要必集分絨而製錦聯斷璧而成圓句摘章調叶宮商之雅響鯨鏗春麗敷對偶之精工始爲藝苑奇觀方作詞壇創格然而玉樓赴召嘔來心血無多白晝投閑老去詩魂頻失粉蠹僅遺四卷綠章未滿千篇倘骨換形移寧免拘牽之病而桃僵李代寧無捍格之情故騷客難于伸牋哲人因之束手乃有浚儀俊士

天水王孫吐白鳳於胸中振春華於筆底深情似水
濯塵垢於滄浪逸氣如蘭探芬芳於幽谷年年宋玉
祇許悲秋歲歲江郎偏工賦恨摛箴篋之小引筵上
高秋哭遼海之寒濤簾間曉月是以夢奉禮於孤衾
接隴西以素紙徵奇集異直如自立鑪錘剔嶮拙艱
幾若別成機軸律分三十偏多喑噤之詞情有萬千
大作淒涼之調爾乃銅仙辭漢鉛水如波玉虎牽絲
迴腸似轉青天易老魯陽戈下難回碧海無情精衛
填來不滿芙蓉宮畔曾多失意之人鵲鵲觀頭盡是

埋香之侶奏清商于別殿淚掩長蛾發素月於長廊
愁添隻鳳爾其綠波點黛泛桂棹於蒼梧芳草含烟
駕青驄於紫陌寄嶺頭之寒蕊五夜懷人折潮口之
長條三春贈遠至若井陘道塞易水歌殘寒風多蕭
瑟之聲壯士有難還之候白冠寄慨望燕關以含悲
古鉞無銘葬秦庭而抱忿心寒髮指曠代如生皆裂
目張千年有色若其漢宮漏永堪憐圖書難售魏闕
春闌深悼蒲塘晚寫撥琵琶而成別怨淚灑炎塵示
衾枕而寄餘思情消黑夜及其欲賦玉環而遣悶實

託飛燕以傳聲同禍水之爭流前車不遠類龍鰲之
煽艷取鑒非遙驪山湯邊會有高軒送至曲江花下
曾經細馬馱來金雞夜障異相難襪鐵馬宵鳴妖星
乍燄嗟蛾眉之不保嘆鸞髮之何存骨塋寒郊夜夜
梨花冷去香消古驛年年麥飯澆殘閣道淒涼山青
水綠雲幘寂寞花落鳥啼似此不一之情分題掇拾
難回之恨逐句蒐羅頗成意外之安排盡易前人之
面目然而空外傳聲幻中寄想移宮變徵難泥疇昔
之陳言會意象形當賴靈臺之別解僕半生瀟落早

歲牢騷紙上牋愁不解河魚之腹疾豪端寫怨難回
窮鳥之寒號每成短曲而舒懷常綴長歌以嘗笑乃
同君結好金石難渝偕子言歡始終不變香爐茗椀
曾於雨後啼鵲酒社詩壇共向溪邊盟鷺集雄詞以
見示呵壁問天台奇句以相投縛船罵鬼算來千年
少並羨君無乃仙乎對此百感交生笑我實非達者
蒼泉名虬一字滄潛工詩善窮竟不偶以死余哭之
有句云屈子才華千古淚賈生事業一生心手揮萬
貫甘貧死山水於今遺好音所著有葯亭詩草

翟非熊賜履精拳勇善草書所著清閣詩草余同門

友魯亮儕

之裕

序之曰非熊氣高志傲負兼人力所日

夕孳孳者萬人敵耳向使非熊而早遇於時率千壯
士橫行於烏斯青海間梨庭繫頸之績可奏也夫何
至衣食奔走白其首不得一逞日啾啾焉伴候蟲一
吟而於牖下終也因憶余少壯時與非熊亮儕等同
集於秦淮水閣非熊於酒間自矜其技而亮儕忽曰
子殆無用人也同輩驚問之亮儕曰非熊工詩古文
而不能時文精草書而不能小楷善步戰而不能馬

戰豈非無用人耶時非熊方飲不覺杯落於席明日
葛聞橋亮來聞之賦一詩以解嘲云學書學劍兩無
成潦倒儒生氣未馴太息髀間新有肉於今海宇淨
無塵後非熊有寄亮儕詩云思極不知云難忘勗我
勤亦謂此也今讀此序殆亦自悔其失言耶

非熊又有江上寄亮儕詩云節換驚幽怨離羣獨念
兄年華何處詠木葉不同聲迢遞書難寄相將遠道
行南中多異路未問草堂名格律高古在王孟之間
非熊五言如木葉洞庭下芙蓉秋水清霜清十月巔

烟薄萬家樓恍轉隨紅葉灘回走白沙家貧如病葉
人老似秋天空林孤宿鳥冷月浸危樓踈夢空階破
深畏幽草分語尤雋永

葉存叔幼有天才之目嘗讀諸葛忠武侯集感而賦
詩人競美其三四奇警余尤推賞結一語以爲可以
直追工部衆或不然然自當有知之者詩曰赤伏灰
寒不可支鞠躬盡瘁更笑辭老臣劍外崎嶇日孺子
宮中醉夢時蜀婦至今猶縞髻晉宣終古不鬚眉蒼
茫天地心何似月冷霜飛誦出師

存叔天懷磊落敏異絕人嘗有句云讀書自許眼光
孤識者知其不爲自譽又大雪和坡老韻有云窓前
壓折幾枝纖靜夜聲聲刁斗嚴新竹支離酣阮籍老
松刻畫醜無監螟蝗入土空成蟄雕鶚雖寒不傍簷
自笑狂夫狂不了携壺欲上玉山尖尤可想見其慷
慨激昂不同凡俗之致也

存叔五言如每逢溪一曲不盡綠千重潮聲京口渡
春色秣陵關七言如掠眼浪掀千頃白迎人山吐數
螺青遠道惜歸霜入鬢寒更起舞月隨人雄健清新

並臻其妙

翟及三

思

讀書幕山余同宛陵張鼎若

士

訪之相逢

一笑遂成莫逆余有句云開門客到處深柳鶯啼時
花落青苔徑人吟白雪詩蓋紀其時與事也鼎若亦
能詩後有寄懷及三詩云時憶讀書處青峰瞰碧溪
香臺孤磬發夏木亂鶯啼攤卷雲陰淨猷吟月色低
幕山山下路夢到不曾迷亦謂此耳

及三歲暮將歸過余書屋值天雪留宿同人集飲賦
寒天留遠客之詩以贈其行余得留字云如此寒天

色行行且復留朔風吹遠客別意惹三秋
細味尊中蟻應憐江上鷗他鄉能有酒
莫管嘯嘯裘及三酬詩得寒字云歲暮
歸心迫真成握手難已同十日飲更
永一朝歡馬繫霜蹄蹴轄投露井寒其
如遊子意雨雪路漫漫

及三五言如日月愁中度山川夢裏過
硯墨和冰洗爐香宿火然七言如客中
自是依人苦世上誰如行路難拙似我
應貧到老才如君笑老還貧性拙原知
高卧是途窮始悔遠遊非鏡裏新霜雙
鬢滿門前舊

雨一官疎深得中晚之意

周蒼泉有贈別崔及三詩四絕甚佳今錄於此終喜
新知忽路岐殘燈相對正堪悲峰頭落日聯吟處無
限風流屬阿誰正值秋風落葉天斷腸人望別離船
西窓竹雨高吟夕休忘禪燈對榻眠文章冰雪憐君
靜肯貌蕭疎愛我狂今日禪關分袂後相思兩地可
同腸爲別華陽陶隱君翠微深處把奇文他年嶺上
留佳話猶鎖松窓數段雲

蒼泉以拔俗之才蓋世之氣困於繩尺不青一衿而

好客縱酒以詩自豪極困窮而不悔嘗元旦獨酌賦
詩自嘲激昂慷慨余次其韵有云總是窮途休便哭
任他長恨不須歌又云春風曾不厭寒庭并與先生
面眼青蓋所以解之慰之懼其以此竟天其天年也
余宦情久淡兼以高堂白髮自貴悞遷晉州意不樂
赴友人胡凌九作詩相規余感其意爲錄於此詩曰
平生勵名義所要非撫仕長揖謝公卿肯爲五斗米
鳳雛失高梧乃在荆之枳江湖二十年崎嶇未云已
循資稍一遷惜此天下士頗聞自南來攀轅啼赤子

素心終不渝澄江濯寒水明鏡無倭輝牛刀有長技
勉旃良吏心側耳新政美勿謂宦不達堂堂州刺史
勿謂年已邁五十服官始行矣卓魯勲三公將屈指
凌九五言如風高秋日瘦雲重暮天低遠烟衝日出
空翠拂天來七言如坐久星河搖病眼夜深風露濕
霜髯路入蕉心千轉上水流劒脊兩崖分過大山逼
狼心烽火近渠通鵲口水源清肅州道上江南岸繞山當
檻淮浦雲低樹接天平山壯麗雄渾真得盛唐氣韻
又拜郭林宗墓云碑自中郎傳絕筆人惟元禮是知

音用事尤爲細切

凌九涼州道上得句云迸火出奔蹄自謂非履其地
不知其妙

詩人多窮古言之矣而吾涇尤甚且以地居山僻名
不出於閭巷而加以志高性傲無名公巨卿爲之揚
譽有沒沒終世焉耳廿一弟然乙用陶貧士韵作邑
中七貧士詩以志其慨其所咏自漢林外皆未能免
於此余故全錄之庶幾後有知者詩曰經生從古貴
一朝失所依困龍獫獫笑螢火爭落暉鸞皇鍛羽翮

不及蓬蒿飛茫茫海宇濶骨傲無從歸劉伶日沉飲

陶潛時苦飢攤書哭宿草鄭子動余悲

鄭應辰字天樞

士何

辭窮餓周子本華軒落拓鄙守虜嗜好追梁園雄文

高壁壘俠氣生雲烟倚馬萬言賦專家費極研骨相

長撼軻縱酒日放言豈惟今之傑抑亦古所賢

周虬字蒼

潛

昔我同門友並坐鼓瑤琴相娛無俗調相嘆無知

音古樂人不愛顏樂誰共尋仰瞻箕與斗無簸亦無

斟條然行吾介不以易所欽一別成永訣至今難爲

心

姪鍾嶸字崧及

驥偏服監車珠不得離婁零落南亭子有

唱莫與酬。覃精注蟲魚。鼎篆窮夏周。材大萬牛重。道

困八口憂。儲何須。擔石伏生老。同儔知君抱。獨契歸

我肆冥求

鄭漢林諱相如別號南亭

仲方今老矣。與世曾無干。坐

擁千卷書。如專百城官。壯心灰未盡。白髮強加餐。加

餐兼進酒。從春至歲寒。身困得道亨。心泰任凋顏。龍

鍾同我病。風雨倍相關

再叔汝渠字仲方

宅三真俊秀而乃

困蒿蓬。才自緣勞益。文固以窮工。漢皇嫌賈少。渤海

任老龔。不作時賢想。長與古人同。彭令非諧俗。致酒

先龐通。遇合本偶爾。一起雲風從

弟廷俊字宅三

我固龍鍾

甚未得乞一州希天才倣儻而豈泉石儔氣成輕一
擲心仙納九流少飲得趣味間奕忘喜憂曲高和者
寡有美世亦酬公孫起布衣黽勉追前修姓三希字希天別號心仙

辛酉之秋廿一復典浙試聞今恭紀有句云老馬知
前路重來尙故吾蔣恒軒極推其簡勁

余爲館陶時館陶紳士延一高手畫士圖館陶故蹟
十二事爲屏以贈雖畧倣周昉士女之意惜氣韻不
高落畫家窠臼耳廿乙見而愛之每幅爲賦一詩不

涇川詩話

卷下

拘古律其段于木踰垣一首最佳王前之風其沓矣
士立談取卿相耳進必以禮退以義賢人守此介不
易矯而甚焉其段于門到賢侯獨踰垣毋乃率民入
無用孰決而起支坤乾是時功利之害深非此瞋眦
藩人心羌來畫墨揮淋淋高風勁節清瑤琴更欲移
作明王箴深得古樂府之意

雨夜督小兒聖習詩經正喃喃間諸弟見過各投以
詩廿乙句云弟兄句夢三春州父子經傳一盞燈衆
共推爲雅切

廿乙又有答廿二句云懷新小草爲誰綠得意閑花
不著名漢林極賞此二句

四弟雲翔

雲翔與余同祖行
四同曾祖行廿二

省余於奉新官署眷戀

庭闈告歸旋里留詩四章言情最爲楚楚詩云寄樓
拜別反江東幾載相思道路窮千里信音驚曉夢一
袞唱和愛清風均沾雨露歌明主獨向溪山嘯老翁
此去非徒憐病骨還愁白髮望庭中半年聚處慰離
情兩地牽連又反旌餐飯頻加酬劇邑精神留取赴
前程看雲臥日遙憐弟視膳趨庭應代兄把酒莫垂

兒女涕由來大孝是揚名寒江颯颯拂貂裘爲憶親
闌泛客舟一子趨承三白髮七年來往四清秋月明
鈴閣瑤琴寂霜滿牙檣玉笛幽何日對床尋舊約愴
懷風雨兩悠悠終軍壯志已蹉跎宦況元方近若何
衛渚五年鴻雁集新吳七載鳳麟多綸音指日趨金
殿槐閣迎風待玉珂莫謂祿微輕職守邁征重與矢
高歌

廿二五言如高歌明月夜孤艇異鄉春市烟人語亂
漁火笛聲歸葉希千樹瘦雲去一峰孤七言如老去

每愁冬節近貧來自覺故人稀愁聽雁叫西風急起
舞雞聲夜雨多砧聲向月千家杵雁影衝雲一字飛
並饒風格

中秋夜鄭漢林葉千里弟雲翔姪希天見過同拈鏡
中桂題限韻賦詩雲翔詩先成吳香浮動碧霄空移
向秦宮似月宮連理有枝交水上霓裳無曲度雲中
欲攀蟾窟天疑近笑折仙花路轉窮莫對鸞光更惆
悵一年開謝豈人工衆皆賞其工妙有爲之閣筆者
沈補蘿鳳江陰人精鑒別善書畫乾隆甲子來攝涇

篆出蘭亭三友圖索題三友者補蘿暨金壇王虛舟
新建裘魯青而三也圖作於補蘿之族兄松年在雍
正時今已數十年裘王皆卽世矣補蘿每一展卷必
泣然太息余感其意爲作短章以附卷末并贈其行
其詩曰補蘿令於涇大似雍邱米書畫滿船來文石
盈袖裏余本下邑民謬爲補蘿喜高情騫遠雲妙論
濯塵滓往者遊京師走訊虛舟子虛舟官黃門乃抱
相門耻短章攄夙抱一官如敝屣昔嘗愛其文問字
兼載紙虛舟曰不然未蓬補蘿耳嗣又遊西江數數

裴氏里樓閣連城陰奕葉誇金紫誰能拔清流魯青
屈一指我欲訪其人道云官裏死太息伊人亡蕭條
空洪水踟躕五十年未遇天下士晚乃倦於遊還山
逐蓬蒿誰知泥憶雲歸求道在邇令君逢補蘿望塵
霍然起鮒豈涸於泥鸞乃栖乎枳粹然抱大化偶亦
遊小技因憶虛舟言回首嘆爾爾欣慕與執鞭屈指
爲進履因得窺瑤函脩見三友美補蘿時年少王裘
與肩比域中鼎足懸海外神山峙開圖露精英雙淚
落紈綺茫茫四海中悄然悲知己吁嗟補蘿翁五十

而筮仕轉旋陵陽間三仕還三已何戀畚中魚況此

槐安蠃櫻筍及鱗魚海鄉饒清旨

補蘿作柳村漁樂圖以贈舍弟季重

自題四絕於上有句云來年四月蘆芽長櫻筍鱗魚啖不休

拂袖歸去來無重吾

腰累臨別獻巴人譬之河東豕歷歷書所道下士笑
而哆余性不耐蠅書以草法書一卷報之補蘿得之
大喜乃自以小楷書之圖後

世多謂官貪虎變此殊不然補蘿下車以來廉潔自
愛衆所共知一夜忽有虎入城止於縣堂涇雖山邑
此亦非恒有之異也補蘿作山君圖而題其上曰乾

隆九載三月十日余履蘭石任越五日旣望夜雨如
晦次日早忽報有虎跡數十在大堂之前追其踪入
北門跳躍十數圍墻而來出西門渡河而去令獵戶
搜取山中不復得其踪跡矣因圖此以記異鳳爲之
贊曰虎兮虎兮宜竄山谷渴飲清泉饑餐野畜曾感
劉昆以遠颺亦應法雄而馴伏今豈苛政之猛於爾
也而城市亦不妨乎馳逐抑當終以法除而未易可
言德伏則爾尙率種類以遁藏毋徒膏吾獵者長鎗
與利鏃補蘿與舍弟季重最友善卽以是圖爲贈今

藏於家

補蘿攝涇篆四月而去同人皆有詩贈行惟舍弟季

重

希文

一首最妙詩曰攀轅無計爲踟躕宦海茫茫盡

畏途好向林泉容小隱何妨詩畫老名儒歸舟不厭
餐櫻筍別浦誰堪聽鷓鴣從此相思天海濶君山縹
緲立蓬壺

李晴江方膺書一竹致補蘿以見寄題一絕於上云
此老風霜數十年亭亭瘦骨向江天未知善恨多愁
者臨別於今可黯然時補蘿將去故云今藏於家

李重又有次韻答補蘿一絕云漁舸烟柳遠村灣塵
坌潛隨筆妙刪門外不知春幾許且從畫裏看青山
風致極佳

葉千里總角友也辛未會試榜發成進士而千里已
於榜前一日卒矣余哭之以詩有句云山遙水遠家
何在竹實桐花鳳不知蓋反用張祐竹死桐枯鳳不
來之句警雖不逮而悲則何窮耶

俞蘭野

文掄

以事赴郡道述所見而作詩曰魚脫網深

得杜陵樂天新樂府之意余以其設爲問答詞意明

白故不復詮次其事詩曰終日河邊立舉網無一魚
頭髮半黑白蒿目但歎嗟二客旁觀久汝事何乃踈
水深裳衣濕無事空躊躇二客那得知我本事詩書
薄田數百畝家中頗有餘一旦付河伯征輸復不除
自顧無生理耶事此清渠盍且具災傷給口可緩糧
我欲叩縣宰縣宰如虎狼但自肆吞剝那管人災傷
此言一出口禍機慘已藏一客顏忸怩一客意傍徨
二客默無語歸途循文陽去去一客返汝言大不祥
若爲汝父母汝言肆顛狂不知不足罪若或不能忘

問君汝何人云是府正堂長跪謝公祖淚滿頭下搶
便可作歸計母或致倉皇寒風入夜急惡役鳴銀鐺
週遭肆搜尋盡室去他鄉太守一言示涸轍離困湯
太守者誰氏李公名本樟

章夔九

儀鳳

善詩每有事外遠致嘗賦落花云縈風迴

雪鬪輕盈芳草連天慘別情一徑綠遮沽酒旆半肩
紅歇賣花聲只知好景惟三月不奈消魂在五更何
處埋香同永恨宮人斜畔又清明五六頗得味外味
殆司空表聖所謂羚羊掛角無迹可求者耶

萬枚卜明府三涇吾涇其再任以內艱去三任以外艱去臨行以詩爲別余卽次其韻以贈行有句云解組兩逢天地否建侯三告水雷屯枚卜極推典切復以詩來酬有呼天人載滿船月惜別詩吟一笛風之句亦清婉可人枚卜名世寧江陵人工書

釋寰宗

慧琳

幕山僧工書善詩以望海詩得名詩云澎

湃滙羣川蒼茫一片煙浮槎懷此日鞭石自何年有島多藏國無涯恐墮天曾經三淺後待爾作桑田所至縉紳皆與相接歸自金陵余與鄭傳與梓林雲喈

沈碩來馬海門暨舍弟雲翔季重宅三再姪穎存同
携榼迎之寰宗出鳩江贈別諸詩相賞同人相與分
韻賦詩余分得八庚云南國名流合有卿放歌日日
盼歸程鳥啼竹院披雲入人踏花橋倒屣迎携友判
留溪月飲與君重話石頭城鳩江社侶休相妬惠遠
陶家是舊盟

寰宗每成一詩推敲累日然乙常笑之以爲賈島之
流若佛印參寥必不若是寰宗笑應之曰唐人固當
勝宋寰宗七言有巢鶴不刪荒徑樹數鴉遲閉夕陽

門剝藤湘管裁春雪茗椀爐香話夕暉之句並清遠
有致

沈碩來名行泰余世弟也詩入中晚於宋尤近放翁
五言如紙破窓邀月簾欹竹引風人情多白眼書味
薄黃金衣霧常悔典書亂急謀函七言如自願病身
多感舊更逢好節便生嗟售書只當道秦火對竹常
如接晉人三日住城三日寺一生拚醉一生仙書不
療饑香忍斷貧如脫俗骨猶仙雨肥野蕨拳擎地風
走村烟腰斷山青舛不用金皆土白首無名草亦人

過澗路昏螢有照到門客熟犬無驚皆名隲有味而
賦立秋夜句云暗雨低螢照微風變樹聲此聯尤妙
所著有破窓吟

碩來牙痛賦詩云病與貧宜餐粥好姪希天極愛此
句爲續之云病與貧宜餐粥好此君妙句更宜人年
來無病常餐粥笑我無緣得掩貧

希天咏背面美人得句云舟中西子歸吳日馬上昭
君出塞時一時傳誦推爲絕唱

鄭傳與秀才與釋寰宗同年月日時生又俱以詩鳴

相交最薦年三十碩來作詩合壽之云最是奇逢此
日筵共成花甲豈徒然三生石上遺雙璧一箇時間
謫兩仙儒釋不分真意氣詩文并合舊因緣只疑窮
却君平算且醉醺醺莫計年

翟惇成

國裕

工於詠物偶記其白前一章云百錢休論

價平常消得青氍毹此夜長一幅舞雲裁短紵五更落
月在雕梁唧魚有影窺水甕撲蝶無聲過粉牆幾度
花間覓不見定應眠向繡毬傍

少年留心科舉不當以吟詠分其文思制藝盛而詩

道微有由然也然使人人皆詩又豈有詩乎哉茫茫

今昔來者其誰以余所見若胡韻仲

原國

翟禮維幹

書常

大

蒼雨

良

再姪沅

帥

穎存

友

皆後來之秀也

廣

先伯祖環石公年方弱冠即操選於金陵所刻

八宗師考卷大雅集諸本皆不脛而走四方尋

登賢書以中翰令館陶再遷奉新調繁貴溪擢

晉州以憂歸遂不復出居家惟杜門著述以詩

文提唱後學一邑嚮風蒸蒸興起所著環石詩

鈔八卷已刻以問世矣今年春余既有涇川叢

書之役屬諸弟等檢遺藁復得此三卷於故篋
中所紀皆舊聞軼事以及諸前輩搜奇弔古之
作既足脩一邑之典故而往來贈答奇篇警句
亦無不萃而集焉蓋百數十年以來之文獻所
徵天不忍使之埋沒於蠹魚灰裏之中而騰躍
而出者也爰不勝欣喜而付之梓嘉慶五年四
月二十四日姪孫紹祖謹識